



Maršala Tita 25, 71000 Sarajevo

Broj: UV-150-01-1-~~932-4~~ /21 SAK

Sarajevo, 01.04. 2021. godine

Na osnovu člana 70. stav (1) i (3) Zakona o javnim nabavkama (Službeni glasnik BiH, 39/14), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i člana 13. stav (3), člana 43. stav (1) i člana 45. stav (2) Pravilnika o javnim nabavkama, broj: UV-150-01-1-1467-3/20 od 27.07.2020. godine, Upravno vijeće Centralne banke Bosne i Hercegovine na 5. sjednici od 29. marta 2021. godine, donosi

O D L U K U

o izboru najpovoljnijeg ponuđača u postupku javne nabavke usluge vanjske revizije

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluge vanjske revizije, na period od tri godine, dodjeljuje grupi ponuđača – ERNST & YOUNG d.o.o. Sarajevo i ERNST & YOUNG d.o.o. Ljubljana, gdje je nosilac konzorcija ERNST & YOUNG d.o.o. Sarajevo, u svemu prema Ponudi broj: 183/2021 od 5. marta 2021. godine i Izvještaju o toku i završetku e-aukcije.

Član 2.

Prema Izvještaju o toku i završetku e-aukcije ponuda ponuđača iz člana 1. ove odluke, glasi na iznos od:

146.000,00 KM bez uračunatog PDV-a
(slovima: stočetdesetšesthiljada konvertibilnih maraka i 00/100)

odnosno

170.820,00 KM s uračunatim PDV-om
(slovima: stosedamdesetihiljadaosamstotina dvadeset konvertibilnih maraka i 00/100).

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama i imenovanja izabranog ponuđača od strane Predsjedništva Bosne i Hercegovine za vanjskog revizora, shodno članu 63. Zakona o Centralnoj banci Bosne i Hercegovine, s izabranim ponuđačem iz člana 1. ove odluke, zaključiti ugovor koji će obuhvatiti period revizije tri finansijske godine (2021., 2022. i 2023. godinu), za čije se izvršenje zadužuje Odjeljenje za računovodstvo i finansije Centralnog ureda Centralne banke Bosne i Hercegovine (u daljem tekstu: Odjeljenje za računovodstvo i finansije).

Član 4.

Za realizaciju ove odluke zadužuju se Odjeljenje za računovodstvo i finansije i Odjeljenje za javne nabavke Centralnog ureda Centralne banke Bosne i Hercegovine.

Član 5.

Ova odluka će se objaviti na web stranici Centralne banke www.cbbh.ba istovremeno s upućivanjem obavještenja o rezultatima postupka ponuđačima koji su učestvovali u postupku javne nabavke, u skladu s članom 70. stav 6. Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke usluge vanjske revizije, putem otvorenog postupka, pokrenut je Odlukom broj: 150-15-4- 393-2/21 SAK od 26. januara 2021. godine.

U skladu s tim, Centralna banka je, 17. februara 2021. godine, na portalu Javnih nabavki objavila Obavještenje o nabavci broj: 1370-1-2-167/21.

U roku određenom za prijem ponuda, odnosno do 5. marta 2021. godine, blagovremeno su dostavljene ponude sljedećih ponuđača:

1. Grupa ponuđača: Deloitte d.o.o. Sarajevo, Zmaja od Bosne 12c, 71 000 Sarajevo BiH i DELOITTE REVIZIJA d.o.o. Ljubljana, Dunajska cesta 165, 1 000 Ljubljana, Slovenija i Deloitte revizija d.o.o. Zagreb, Radnička cesta 80, 10 000 Zagreb, Hrvatska i
2. Grupa ponuđača: ERNST & YOUNG d.o.o. Vrbanja 1, 71 000 Sarajevo i ERNST & YOUNG d.o.o. Dunavska cesta 111, 1 000 Ljubljana Slovenija.

Komisija, nadležna za provođenje postupka javne nabavke je izvršila pregled i ocjenu pristiglih ponuda i konstatovala da pristigle ponude ispunjavaju sve uslove tražene tenderskom dokumentacijom. E-aukcija je zakazana za 12. mart 2021. godine sa početkom u 13.00 sati.

U skladu sa kriterijem najniža cijena i Izvještajem o toku i završetku e-aukcije, Komisija je u svom Zapisniku o pregledu i ocjeni ponuda broj: 149-15-4-776-7/21 od 12. marta 2021. godine i Izvještaju o radu Komisije sa preporukom, broj 149-15-4-776-8/21 od 12. marta 2021. godine, dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine u roku od deset dana od dana dostavljanja ove odluke.

**Predsjedavajući Upravnog vijeća
Centralne banke Bosne i Hercegovine**



GUVERNER

dr. Senad Softić

Dostaviti:

- učesnicima u postupku;
- guverneru;
- članovima Upravnog vijeća;
- viceguvernerima;
- Uredu glavnog internog revizora;
- Komisiji za nabavku;
- sekretaru Uprave i Upravnog vijeća;
- Odjeljenju za računovodstvo i finansije;
- Odjeljenju za javne nabavke;
- u spis predmeta.